



02075

管窺輯要卷之三十三

六安黃 鼎玉耳父纂定

男九命簡臣

侄九錫公位

九疇倫叙

九如肩介

侄孫珮琢成

珂先鳴

桐城方兆及子詒全閱

管窺輯要

卷之三十三

安天津

司危

司非

虛

司祿

司命

位

女

哭

天壘城

珮瑜

敗自

危天錢

望羽林軍



虛宿論

虛二星家宰之官也主北方扈居廟堂祭祀禱祝之事又主死喪哭泣月五星客彗守犯主朝廷冢宰災濟分兵及饑盜天壘城十三星如貫索狀主北夷匈奴壘城下有四星曰敗曰其星隱然明則人主憂不見則地有流民西三星曰瑯瑜明盛則后宮奢恣哭泣各二星夾虛明則多死喪四司各二顆八星皆冥官之職明大則天下多死

虛宿說

管窺輯要

卷之三十三

二

虛二星合距北星爲度而今曆家以距南星爲度北星則入於牛矣蓋北星不當日之度而南星當度故虛距南星得十度北星舊圖入虛宿唐志測在女九度宋志距南星去極一百度五十分赤道八度九十五分七十五秒黃道九度七十五秒天之道南爲陽明北爲幽陰人之事嘉禮屬陽凶喪屬陰故坐必南向寢必東首塋則於北方北首皆天道也故虛皆主死喪又主北方邑居廟堂祭祀祝禱之事又主風雲虛下六尺爲天中道又爲冢

宰之官主平理天下覆藏萬物明盛則天下安動  
搖則有哭泣之應宋均曰蓋屋之下無人但空虛  
似乎嬪宮故主哭泣日月食兵起五星犯有災流  
星犯賊害宗廟郗萌曰客入則大人當之黃帝經  
曰客守爲兵喪星占云近一年遠二年有流星自  
虛危入羽林占爲外兵歲守之有憂兵或饑火守  
則天子將兵金守則臣下兵起水守饑饉禮記月  
令註云日經虛危司命司祿司非司危爲鬼官之  
長

管窺輯要

卷之三十三

三

又墳四星在危東南墳墓四司之氣能爲厲鬼將  
來或爲災厲故讎磔以禳除之事或然也虛爲玄  
枵所謂枵者耗名也梓慎曰歲在星紀而淫于玄  
枵玄枵者虛中也故梓慎謂宋鄭必饑裨竊曰歲  
乘其次而旅於明年之次以害烏帑周楚惡之註  
云歲星所在其國有福失坎於北禍衝在南故周  
王楚子受其咎二人所見不同故備舉以示卜占  
曰一云天竈乃玄枵別名也

司命二星在司祿南主年壽又十舉過行罰滅不

祥之事○司祿二星在司命北主爵祿增年延德  
故在六宗之祀○司危二星在司祿北主驕佚則  
罹凶夭○司非二星在司危北主過失四司宜暗  
若明大則災居常則安升晉之東主亦無王  
哭二星在虛南主號咷多倚廬之事星不欲明○  
泣三星在哭東主喪星不欲明若明則國多哀金  
守亦然

天壘城十三星在哭南形如貫索主匈奴邊塞諸  
夷正北方之地也變動則夷人犯塞有星守之主

管窺輯要

卷之三十三

四

北伐征

敗凶四星二星入虛宿二星入室宿在虛危之南  
司一年之災凶與咎聲同而通用也故星贊曰敗  
凶四星知災凶不見則人有饑色背鄉邑客星守  
之饑且兵

璿瑜三星南北相列在代晉之東主衣也瑜玉飾  
也皆婦人服飾也微則後宮儉約明大則婦人奢  
縱

火金闕於虛危大兵喪或鼓軍殺將於齊

虛宿爲廟堂冢宰主理天下覆萬物主風雲又主  
死喪哭泣之事亦爲祭祀所禱度八度九十五分  
七十五秒外六尺爲黃道餘見女宿下

虛宿歌

上下各一如連珠命祿危非虛上星虛危之下哭  
泣星哭泣雙雙下壘城天壘團圓十三星敗凶四  
星城下橫凶西三個琉璃明

虛宿考

司命二星在虛危北主死生○司祿二星在司命

管窺輯要

卷之三十三

五

北主爵祿○司危二星在司祿北主喪亡○司非  
二星在司危北主讐過○哭二星在虛南主死喪  
號泣○泣二星在哭東危南主墳廬悲泣○天壘  
十三星在哭泣星南主北夷匈奴鬼方之屬○璃  
瑜三星在十二國東主婦人服飾○敗凶四星在  
虛壁之南主司年災

虛二星一名玄枵一名北陸一名臨官一名鄉中  
一名中宮主死喪哭泣之事又主廟堂祭祀之事  
又主風雨明靜吉動搖有死喪日月食兵起流星

犯賊亂宗廟彗孛客星入藏廩空書宵中星虛

司命二星在虛東主壽命又主舉過行罰滅○司祿二星在命北主爵增年延德○司危二星在虛西北主驕逸○司非二星在危東北主是非過愆四司皆黑明大爲災

哭星二星在虛南泣星二星在哭東主哭死悲涕之事明則國多哭泣金火守亦然

天壘城十三星在哭泣南主北夷匈奴明大兵起○璃瑜二星在秦代之東南主天之饑糧衣服○

管窺輯要 卷之三十三 六

敗囚四星在虛危之南主賣釜甑出鄉宅之事

虛二星十一度距虛南星去極一百三度在黃道

內八度金星也春夏爲水秋冬爲木一名玄枵一

名顛頊一名北陸天卿臨官又冢宰之官爲天府

主廟堂祭祀禱祝哭泣歆祀失禮主死喪北方邑

居廟堂星動搖國有大喪○木守之昭參穆失序

人饑多病○火守之旱女子多死萬物不成天子

自將兵出久守米貴○土守之風雨不時大旱多

風寒米貴○金守之臣謀主兵起殺人流血○水

守之旱萬物不成或爲水災。○客守之其分兵疫若凌犯環繞國有兵亂。○彗孛行犯虛分有兵相殺流血成川人死如岳。○大星如半月守之名天賊爲王者奉郊廟也消災。○月暈虛兵動人饑。

虛宿總序

虛二星一曰玄枵一曰顓頊一曰北陸一曰天節一曰臨官一曰鄉中一曰申宮水星也虛爲廟堂爲天子冢宰之官主死喪哭泣墳墓祭祀主天諒闇之事主北方又主黃鍾律管其下九尺爲日月管窺輯要

卷之三十三

七

五星中道又主風雲將有死喪哭泣塋祭之事則占於虛其星明靜則天下安不明則天下旱動搖則有死喪哭泣欹斜則上下垂亡則享祀失禮鄰萌曰虛星動則有更國制者

日月變異占

日在虛蝕戒在玉市租稅文繒帛器物金玉之臣黃帝占曰國有大喪天下改服期九十日武氏曰大饑兵起。○日暈於虛丞相下獄石氏曰民饑。○日有死喪。

日在虛蝕有大喪天下改服邾萌曰民饑去其室  
家一曰有兵戰一曰典衣服刀劍金玉之臣有坐  
罪者日暈於虛黃帝占曰兵起有戰邾萌曰民饑  
有哭泣螽蚤死一曰螽蚤多死又曰有土子荊州  
占曰有白衣之聚一曰宗廟有兵民徙他鄉一曰  
宗臣黜否則冢宰黜○月暈虛危兵革離宗廟○  
月變於虛有土工軍在外饑

月五星于犯占

月犯虛天下大虛虛色復盛天下政亂國有憂將

管窺輯要

卷之三十三

八

廟事  
軍死有哭泣一曰宗廟兵起一曰百姓饑亦爲陵

歲星守虛其國饑昭穆失序多疾疫邾萌曰天下  
兵大起若將離散士卒死亡

木守虛三月以上有列土爵者黃帝占曰大旱穀  
大貴石氏曰女子多危萬物不成土工興天子自  
將兵又曰木守虛七日以上盡三十日王者起宗  
廟修陵家有白衣會不出九十日甘氏曰木守虛  
失色天子改服不出六十日孝經緯曰木守虛東

民多暴死守其北無守其西歲少兩守其南天子  
宮中二政宰相之宗坐誅

木入虛甘氏曰天下大虛郗萌曰國政急天下亂  
大人憂有德令荆州占曰有封立國邑

木入虛而晉守之有政諸侯守之六十日不下國  
有死將百日不下改元大臣戮死期二年

木經虛齊國多有獻美女者一曰其君納美女○  
木逆行虛其國多有不恭祭祀

木中犯乘陵虛海中占曰天下饑王者改令一曰  
管窺輯要 卷之三十三 九

宰相有德令

木犯虛遂守之荆州占曰居其東民饑且暴死居  
其南宮中兩血宰相坐之居其西其月不雨居其  
北其下有亂○木居虛郗萌曰五穀以水傷○木  
出入留舍虛天下大苦

木犯虛遂守之海中占曰改服有白衣會不出六  
十日天下大饑民流千里君臣離散

熒惑守虛天下大旱女子多死萬物不成工役興  
天子白將兵米貴十倍黃帝占曰赤地千里人相

食又曰大臣爲亂人人疾疫石氏曰將反兵發天下更令甘氏曰民爲變天下大水一曰民流死守之一曰二十以上諸侯會地將軍受封

火入虛有火災君有恐郗萌曰牛車貴荊州占曰天下有變有破軍死將天下更令諸侯有死者期一年天女錄曰有赦石氏曰大人虛中三月齊王死八十日相死不死卽走巫咸曰火入虛中同其出日而數之期二十日兵發又以始入之日數之率一日期十日兵罷

管窺輯要

卷之三十三

十

火入虛成勾巳郗萌曰政令急天下亂大人憂戰不勝○火入虛而犯之天子自將兵流血滿野

火舍虛天子喜賜諸侯又曰火舍天府門中央天子赦舍其東籓旱舍其南楚地旱舍其西廬江旱舍其北遼東西旱○火舍虛國以喪徑郗萌曰天子不敬祭祀女主大臣不謹留三十日君臣俱憂火中犴陵乘虛天子自殺將兵有大戰流血有亡國死王期三子郗萌曰土工貞石氏曰大旱穀大

貴一曰百姓多死

鎮星守虛風雨不時大旱多風穀貴春秋文曜  
曰土甕水有土工一曰官人多死一曰多病瘡死  
一曰有兵災大水萬物不成海中占曰人不安多  
妖言郗萌曰臣有欲危宗祀者有亡國死亡一曰  
政急國亂  
土入虛中而守之石氏曰水且急進而守之有客  
兵鈇鉞用一曰天下多空言○土入虛有舍合大  
人憂天下大虛政急國亂一曰有兵五穀不成  
土逆行虛荊州古曰君臣不敬祭祀女主心謹天

管窺輯要

卷之三十三

十一

下諸侯有官者宗廟血食益尾土之虛國有大憂  
土出入留舍虛中有急令行未當至而有客兵不  
過五日去當至不至其國兵起

土中犯陵乘虛有急令兵起大旱有赦武氏曰星  
行疫有客兵卽去不出三年巫咸曰土入虛中同  
其出入敬之與大同

土與木同守虛名曰陰陽盡爲大水災魚行人道  
民流無居三年大旱赤土千里

太白守虛國政急臣謀君兵起有流血石氏曰國

多孤寡甘氏曰是謂母覆其子承國有封拜賞賜者巫咸曰民疾疫天下亂石氏曰有兵兵罷一曰天下將兵農人荷戟海中占曰東北胡爲冠吳越楚兵大起石氏曰太白守虛去之一尺粟貴十倍太白犯虛天下兵起從齊始或有大喪。金入虛海中占曰不出九十日有大赦郗萌曰大臣下獄多土工民流亡臣謀君一曰國多孤寡。太白出入留舍虛國君有疾大人有陰謀

太白在虛出芒角如劍空國兵起巫咸曰太白入管窺輯要

卷之三十三

十一

虛中同其出口數之期二十日兵起又以其入口數至出口率一日期十日兵罷

辰星守虛旱萬物不成黃帝占曰多雨水人流亡石氏曰國內亂政急大人憂天下虛海中占曰有兵丁壯行淫婦獨居萬室空虛一曰春旱秋水郗萌曰武臣誅國亡一曰山水出民無居甘氏曰水守虛角動色青臣期有喪兵起國中

水犯虛甘氏曰其邦多水災天文錄曰視辰星所在東南西北之方以爲春夏秋冬之期一曰水犯

水入虛中大水出巫咸曰伺其出日數期二十日  
兵發又以始入日數之與金同○水中犯乘陵虛  
海中占曰春旱秋水五穀不成若東守其陽色赤  
黃爲旱萬物不成天下兵亂

一曰客星流星彗孛干犯占

客星出虛大臣爲亂兵大起國有喪天下多哭泣  
期三年石氏曰人主出一曰天子使人於諸侯○  
二客星出虛天下無主民無所依○客星入虛黃

管窺輯要

卷之三十三

十三

帝占曰兵在外大饑將死兵散天下有大令郝萌  
曰米大貴荊州占曰國亂政急天下饑大人憂石  
氏曰客星入虛色赤有遊客入國色青黑有哭泣  
一曰色赤有赦粟貴色白有客亦曰斃至○客星  
入虛三日繞之有赦期七十日●客星出入虛天  
子自將兵於野○客星犯虛有哭泣事有改制天  
文錄曰有赦陳氏曰天下有謀若環繞之成勾已  
國亂兵起●客星守虛兵起有亂臣人主不和一  
曰國君憂甘氏曰有殺臣●客星守虛天下有急

行石氏曰憂三月視虛有二客將死三  
相死四星軍敗五星國亡乙巳占曰客星守虛其國兵起  
近期一年遠期二年有哭泣

流星犯虛天下哭泣春夏祀廟憂秋冬祀天子將  
兵出野●流星出入虛人主有大憂臣相有拔邑  
有亡國一曰有哭泣春夏入之宗廟憂秋冬入之  
人主自將兵海中占曰流星入虛兵聚其下天文  
論曰流星入虛色黃有求賜者色青哭泣色黑相  
死否卽還○流星出虛貴人疾病一曰君使出使

管窺輯要

卷之三十三

十四

有求於人出虛色黃而光澤有德令相有喜○流  
星數從虛危中出貴人使出求藥○流星出虛入  
危小人秉政

彗孛出虛天下亂有叛臣兵大起國易政陳氏曰  
天子自將軍大戰流血其光芒所指國亡期三年  
遠五年○彗孛犯虛天下哭泣有改制宗廟起兵  
國亡一曰多大雨無立垣○彗孛行犯虛有兵人  
相食殺流血成川積骨如山○彗孛出虛危之關  
有叛臣起於其國兵大起國易政期三年

蒼白雲氣入虛有哭泣出之禍除○黃色雲氣入  
虛天子以喜起宗廟祠祀○黃白雲氣入虛亨氣  
也天子敬祀宗廟○赤色雲氣入虛有火災一曰  
有兵在廟中出虛有兵廟外○白色雲氣入虛有  
無弊之客來出虛有使出外○黑色雲氣入虛有  
水災一曰廟祀○雲氣入立虹出虛天下大虛多  
火災

虛宿去極度數考

管窺輯要

卷之三十三

五

按虛宿本位居子之次齊青州之分凡九度正月  
且在卯二月且在辰三月且在巳四月且在午五  
月且在未六月且在申七月且在酉六月昏在卯  
七月昏在辰八月昏在巳九月昏在午十月昏在  
未十一月昏在中十二月昏在酉

虛二星九度少強距南去極一百度○半入虛初  
度家宰之官也少強微多也書周官云天官冢宰  
六卿之長卽今吏部尚書也正義云虛天之冢宰  
主平理天下覆萬物主邑居廟堂祭祀之事又主

風雲邑居言外也廟堂言內也虛危屬玄武故主  
風雲也又主哭泣死喪索隱云虛二星南北星主  
哭泣漱清考孔子云君薨百官總已以聽於冢宰  
三年故虛乃冢宰兼有哭泣事

古曰虛星明如常則天子壽昌動搖昏暗則有死  
喪哭泣日食則戒在市租稅纏綿帛金玉之官日  
暈則冢宰有憂驚月食犯則國空虛民饑饉流星  
犯賊亂宗廟五星犯天子憂金火守天子自將兵  
宗廟回祿金犯兵起彗孛守人相食血流成川積  
管窺輯要 卷之三十三 十

尸如山大兵起

司命二黑星距西北去極十二度入虛三度在虛  
北主舉過刑罰滅不祥又主掌生算死喪事言舉  
人之過行天之罰消滅不祥生算算在生之壽命  
古曰司命如常則天下人壽天子壽失常天下大  
折彗孛守天子命討有罪

司祿二黑星距西去極九十度入虛四度在命北  
主爵祿言周爵五等公侯伯子男故孟子云公一  
位侯一位伯一位子男同一位凡五等此班爵之

制也公侯制地皆方百里伯七十里子男五十里  
凡四等此班祿之制也又曰公五百里侯四百里  
伯三百里子男二百里雖與禮王數不同孟子所  
言亦必有據故謂此其大略也又曰子二百里男  
一百里焉增年延德故在六宗之祀六宗之說不  
同書舜典云禋於六宗禋名也一太昭祭四時也  
二坎壇祭寒暑也三王宮祭日也四夜明祭月也  
五幽宗祭星也六雩宗祭水旱也漢孔光劉歆以  
六宗爲乾坤六子謂星也辰也司中也司命也風

管窺輯要

卷之三十三

七

師也兩師也又以天地春夏秋冬爲六子賈逵以  
天宗三日也月也星也地宗三河也海也岱也劉  
邵以爲太極中和之氣爲六氣之尊六氣者陰陽  
風雨晦明也張髦以三昭三穆爲六宗後魏以天  
皇大帝及五帝爲六宗後漢以上下四方爲六宗  
孔安國以寒暑日月水旱爲六宗或以水火相建  
雲氣不相悖山澤通氣爲六宗

占曰司祿居常則朝廷爵祿平天下諸侯王奉法  
百官有司奉職反是則凶金火守犯則公侯宰相

有貶黜者慧守守犯則公侯宰相有叛逆者黃道  
入則公侯宰相有封爵受賜之喜者

可危二黑星距西去極八十五度入女八度在司  
祿北主驕佚驕矜高佚放逸又主臺榭死喪事築  
土曰臺榭臺上屋也築土為臺所以觀四方之高  
遠  
占曰司危居常則居上不驕為下不悖天下安失  
常則臣下驕恣上木守則土木大興火守則火災  
水守則水淹彗守則人君失德壞官室以為汙

管窺輯要

卷之三十三

十八

池棄曰以為苑囿以禽荒獸荒亡國者

司非二黑星距西去極七十九度入女九度半在  
危宿北主司過失書呂刑云五刑不服正於五過  
一官言威勢也二及言報德怨也三內言女謂也  
四貨言賄賂也五來言干請也周禮大司寇有三  
宥一宥曰不識再宥曰過失三宥曰遺亡過者言  
殺人不坐死也激清考論語云道之以政齊之以  
刑又云赦小過

占曰司非明大為災居常則吉也人君過失納諫

不聽反誅諫臣五星守犯主者以華守則君不掩惡而百姓惡其君。以上四司皆冥官也言陰府之官。

哭二黑星距西去極一百一十七度半入女九度在虛南主哭死喪。泣二黑星距北去極一百零四度半入危二度在蓋屋南主墳墓倚廬泣哀喪喪禮大記云父母之喪居倚廬言於中門外東墻下倚木爲廬也。又曰倚墻至地爲廬無楣與柱也。謂問喪居於倚廬哀親之在外也。左傳襄公十七管窺輯要

卷之三十三

九

年齊晏嬰父桓子卒嬰縗斬直經帶居倚廬杖管屨食粥。

占曰哭泣如常則吉明大動搖則國多哭泣事。

天壘城十三黃星距西去極一百二十六度入虛初度在泣星南如貫索形主北夷夷卽北胡也。丁零西北夷國名在虛居國犯去匈奴七千里匈奴單于之號也。王氏曰匈奴天子號猶華言皇帝也。漢書音義云單于者廣大貌言其象天單于然也。故清考匈奴謂之奴奴之也。烏得天子皇帝此之。

何奴夷國頭目卽以夷王加之尤過分焉王氏之說非

古曰天壘城明大則夷狄侵邊動搖芒角則兵起金火守則大兵起大戰不寧葦葦守犯則夷王有死者中國兵勝

敗凶四星距西北去極一百三十九度半入虛八度在虛危南主敗亡災咎

古曰敗凶知凶災所以候興亡勝敗客星犯則入饑兵起金火守則兵荒葦葦守則更主天下亂

管窺輯要

卷之三十三

三

璃瑜三黃星距南去極一百二十八度入女九度在秦代東南北列主婦服飾言在十二國秦代星之東南隅璃者琉璃瑜者美玉皆婦人粧飾也唐未以琉璃作釵釧爲婦人飾今時尤以瑜玉爲婦人飾

古曰璃瑜微小則后宮儉約明大則婦人華飾相高奢侈無度其星光潤則后妃有玩好之寵賜

虛宿雜座

司命司祿司危司非

司命二星在虛北主舉過行罰滅除不祥主百鬼  
生死司祿二星在司命北主爵祿主增年延德司  
危二星在司祿北主矯失以正天下主察矯矯司  
非二星在司危北主祛多私主伺察內外過失八  
星皆庶官之職主天子以下至於庶人壽命爵祿  
安危是非之事制天下死生之命福善禍淫皆其  
所司其星微不明則無咎明大則天下人災○熒  
惑守司命天下多暴死者○彗孛出司命妖惑起  
王者憂

管窺輯要

卷之三十三

三

哭星泣星

哭二星在虛南主號哭泣二星在哭星東危南主  
怒泣其星皆不欲明明則天下多死喪國多哭泣  
事○月五星守犯哭泣人主有使者以死喪出若  
人之有以死喪事來者

天壘城

天壘城十有三星形如壘在哭泣星南主北夷  
丁零匈奴鬼方之類所以候其興敗存亡也○金  
火入守天壘城夷人犯塞○客星入天壘城北狄

日操騎馬進中國若守之北狄侵邊○彗孛出天  
壘城校尉以軍反○赤氣掩入天壘城北夷驚有  
疾疫深入地凶人主凶

璃瑜三星在十二國東主婦人服飾離桂衣也瑜  
玉飾也其星微小則后宮儉約明盛則女人奢縱  
○彗孛客星出璃瑜后宮無禁

敗凶

敗凶四星在北落師門之南主凶災其星温温然

管窺輯要

卷之三十三

三

微而不明則天子吉人民安明大動搖人主有憂  
疾天下多災凶人愁苦多死喪敗凶一星不具則  
民棄釜甑俱不見則室無人居○五星犯敗凶除  
舊更新民不安其室憂失其釜甑○火星犯敗凶  
爲饑爲喪民去其鄉○流星入敗凶天下有急發  
米粟之事○彗孛出敗凶天下有急兵國憂民饑  
○赤氣入敗凶人主凶

管窺輯要卷之三十三終

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成


珂先鳴

桐城方光及子詒全閱

管窺輯要

卷之三十四

一



危三星天府也一曰天市主營造受藏之事餘通  
虛星占熒惑三星犯掃主火災於修造之所又主  
土木工盛及有兵喪墳墓四星屬危之下主死喪  
哭泣之哀月五星客彗守犯國有喪陵寢防盜蓋  
屋二星治宮室之官也月五星客彗守犯董役之  
官災天錢十星主錢令月五星客彗守犯庫藏防  
盜錢令災上有四星四虛梁主園陵寢廟之祠人  
星在危之上如人形主萬民月彗客守犯天下  
管窺輯要

卷之三十四

二

有詐誣傳訛言相驚車府七星在人星上杵臼七  
星在人星果天鈞九星在車府上直則地動造父  
五星御官也

危宿說

危三星宋志距南星去極九十六度北星舊圖入  
危宿今測在虛六度半赤道十五度四十分黃道  
十五度九十五分黃道自危十三度六十四分九  
十一秒人亥赤道自危十二度二十六分十六秒

入亥其下七尺爲天中道爲行營邑居祠祀廿氏

云爲天南廟堂主天府架屋受蔚風雨又爲冢宰  
之官動則天下大興土工歲守之有兵憂金火曰  
在虛危芒角兵火動占者以爲子午相沖宿在北  
方憂在南方客在危爲死喪哭泣之事占曰遠二  
年近一年火守則天子將兵金守則有叛臣金掩  
之齊國亡或強國君死歲守徑役煩民多渴饑饉  
蓋危爲天符府六耗名也水守則下謀上一曰危  
動而不明兵革起月暈五星犯卽有災

人星在車府西南其狀如人正北方子位于先天

管窺輯要

卷之三十四

三

卦氣爲復貞下起元天道之所開人之事雖生於  
寅而實胎於子故懸象於北繼天而生也周禮獻  
民數而祭天之司民蓋卽此星註疏以爲軒轅角  
非也安靜則眾庶柔遠能邇一曰卧星主防淫泆  
不見則人有詐行詔書者明則吉暗則凶  
內并三星在人星東主給軍糧正直下白吉若不  
相當軍絕糧不直則民饑杵臼者冬月治五穀之  
所有事也

內白四星在人星東南主春春者白之用也卽則

大豐俯則大饑隋志云客星入杓曰兵起天下聚米有青黑氣守之魚鹽貴曰不得以附杵蓋杵曰乃二人司之也

車府七星在天津東南首抵司非尾指天鈎近河邊天子五輅所藏主官車之府金火守之兵革大動

造父五星在傳舍南河之中乃御官也一曰司馬或曰伯樂星亡馬大貴明潤則吉

虛梁四星在蓋屋南舊在黃道內四度唐志測在

管窺輯要

卷之三十四

四

黃道家人所掌公墓之地園陵寢廟之所非人所處故曰虛梁金火入犯守兵災大起

蓋屋二星在危南主天子所居宮室亦爲治宮室之官占金火守之則國兵起彗孛尤甚

墳墓四星在危下如墓形墓大夫所掌百族兆域主喪葬之事明則多死亡

天錢十星在北落師門西北主錢帛所聚主九府循環流通以權百貨之象坤主利故麗於此占明則府藏盈暗則虛耗金火守犯兵盜起

天鈞九星如鈞狀本紫微垣之星而入危初度在造父西入河中主乘輦服飾之法式直則地動明則服飾正也

危宿爲天府主宗廟祭祀之事又爲禮堂主死喪哭泣度十五度四十分外七尺爲黃道餘見女宿下

危宿歌

三星不直是危形危上五黑號人星人畔三四杵  
曰形人上七鳥號車府府上天鈞九黃晶鈞下五

管窺輯要

卷之三十四

五

鴉字造父危下四星號墳墓墓下四星斜虛梁十  
個天錢梁下黃墓傍兩星名蓋屋身著烏衣危下  
宿

危宿考

天鈞九星在造父西主輿服法式○造父五星在  
傳舍南河中御馬之官一曰伯樂○車府七星在  
天津東南首抵司非尾指天鈞主官車之府賓客  
之館○人星五星在車府西南主萬民○杵三星  
在人星東主給軍糧○白四星在人星東南主春

白之具○墳墓四星在危下如墓形主山陵死葬之事○虛梁四星在危南園陵寢廟之所○天錢十星在虛梁之南錢帛所聚○蓋屋二星在危南主天子所居宮室之官

危三星爲天市天府杓星受蔽風雨主宮室墳墓祭祀明動興土功火守兵起水守下謀上日月五星犯有災又云危爲玄枵耗神也

人星五星在危西北如人象主萬民靜則遠人服又主稽察僞行詔勅者明吉

管窺輯要

卷之二十四

六

杓三星在人傍曰四星在杓下俱主春軍糧直下曰吉傾覆則民饑○車府七星在天津東主官車金火守兵車動

造父五星在車府東北主御女之官一名伯樂明吉亡則馬貴

天鈞九星則紫微東藩外傳舍東造父北主輿服法式○蓋屋二星在危南主天子居室金守葦犯兵起

墳墓四星在危東南主山陵悲慘之事明則多死

亡虛梁四星在墳墓南主園陵寢廟○天錢十星  
在虛梁南主庫藏財物

危宿危三星墳墓四星十度距尾南星去極九  
十八度在黃道內九度大土星也春夏爲水秋冬  
爲火天之廟堂爲梁屋主天府天市祭祀皇明則  
王者與宮室動則有上功○  
日月食危中有殿崩宮陷大臣殺逆天下改作○  
水守之祭祀不敬大哭泣事天子造宮室人勞土  
工事○火守之人多疫死無葬者歲儉在南方久  
管窺輯要

卷之三十四

七

守則東方兵起大臣逆國易政饑旱米貴十倍○  
土守之土功起旱損爲惡兵起○金守之臣下亂  
謀君軍敗破被刑法官有憂國多水災○日月五  
星入之天下亂來年大饑○客守之國政改立王  
侯米貴兵起○彗字行犯之國叛兵起○月單危  
人多疫死

危宿總敘

危三星曰天府一曰天市官也主墳墓官室祭祀

梁星天子之廟堂也又爲百姓市其南下九度爲

日月五星中道虛危者天子禮堂亦有冢宰之官  
主天下死喪哭泣之事星明則天下安暗而動則  
天子作宮室興土後移徙則天下謀作不鮮失色  
則容有誅者不見則山陵毀動搖則天下大動

日月變異占

日在危蝕宮廟崩陷大臣亂天下改作人主兵起  
有哭泣○日暈於危其邦有喪一曰其下有廢主  
月在危蝕甘氏曰有大喪天下改服石氏曰宮室  
廟堂有驚又曰不有大喪必有病君一曰大臣死

管窺輯要

卷之三十四

八

尚服之官有黜者○月暈於危黃帝占曰有兵一  
曰軍敗邠萌曰國主死民多病亡有兵謀不成荆  
州占曰有亂謀天下擾河圖帝覽曰軍所止民多  
去其宅乙巳占曰有喪天下哭武氏曰先舉兵者  
敗○月在危有變有死喪哭泣山陵墳墓蓋屋動  
眾之事月宿危而霧兵起士卒多死

月五星于犯占

月犯危有哭泣帝覽嬉曰天下多哭泣治居室者  
海中占曰國有憂邠萌曰兵在外將死○月入危

歲星守危祠祀不享數有哭泣之事天子更造宮室人民苦於工役甘氏曰有立諸侯天下民不寧巫咸曰役煩賦重天下困竭民役其上強凌弱兵起多盜賊石氏曰諸侯兵起又曰祠祀不共郤蒯曰政在臣下荊州占曰天下有受爵土者又曰賊臣起天下亂木星在危春秋合誠圖曰民無寧處○木舍危南石氏曰天雨血高王室○

木出入畱舍危其國君死之

管窺輯要

卷之三十四

九

木犯危有土工有哭泣事天文志曰兵起一曰盜役煩天下怨天雨血

木入危守之三十日不立諸侯兵起六十日不下國其受兵百日不下穀貴客軍將死荊州占曰木守畱危七日以上去之四尺王者高其宮闕木舍民危相惡多盜賊

災惑守危歲饑人疫死無葬者東南方皆有兵起大臣爲逆國易政大旱米貴十倍黃帝占曰民爲

變一曰其國爲政者危海中占曰春旱秋多水災

邠萌曰天子改常一曰賓客有事死一曰天子宮  
中地震裂荊州占曰有繕庫室事東方若南方諸  
侯有死者陳卓曰宮中火災土工興亂兵起一曰  
諸侯相謀天文論曰有大赦守下星大臣死守中  
星諸侯死守上星人民死各期百八十日○火雷  
危巫咸曰羣臣不恭雷三十日至九十日歲旱兵  
起米貴○火舍危下天子有賜子諸侯王赦門中  
有赦○火出入雷舍危其國以繕城郭兵起巫咸  
曰國中有大亂吏民相攻一曰大臣爲亂○火犯

管窺輯要

卷之三十四

十

危荊州占曰天下大亂相出走君失地○火入危  
黃帝占曰大赦大亂萬民賊臣起又曰火入危中  
三月齊王死不死則走邠萌曰天下有變分天子  
日臨府事黃帝占曰越地亡○火逆行危其君簡  
祭祀○火入危而守之侯王謀大臣兵起石氏曰  
三十日不下有立宮廟有哭泣六十日不下國易  
政荊州占曰火入危守之三十日至九十日東方  
兵起歲旱米貴十倍民食草木牛羊倍價一曰火  
入守危甚久而不去近臣叛兵大起○火入危雷

之以去復還居之人君惡之

鎮星守危有二役兵起星傾國有急兵有旱災五穀不實民疾病一曰彗獵天子歉春秋鈞曰兵起人民憂海中占曰兵起南方一曰野物入國民流亡郗萌曰葢事起荊州占曰人多病疽河圖秘微曰土守危去之一尺女主憂若貴女有死者石氏曰土守危芒角動天子彗獵天下飢色黃則土工興○土入危天下大亂賊臣起荊州占曰天子彗獵天下饑荒大水災兵起○土入危而留守之海管窺輯要

卷之三十四

十一

中占曰其國破亡有流血將軍戰死亡地五百里有從亡期三年○土逆行於危女事政先人謹之土守危春秋占曰黍大熟民有憂○土出入舍危其國空虛之外有急有破軍失地有死亡期三年○土未當至而至危其國有客不過五日去當至不至其國且用兵○土中犯裏危甘氏曰后憂疾兵喪並起有大戰工匠大用一曰土犯齋戒不謹有哭泣更造室言民勞兵起

太白守危旱多水災民多癰疽之疾郗萌曰主急

大臣有謀石氏曰將軍憂甘氏曰太白守危去之一尺諸侯無忠者大臣以讒言相毀有黜者○金入危有兵兵罷無兵起多火災是歲旱五穀不實金入危而犯守之天下有急事兵大起國有憂一曰兵加於齊其國有亡城一曰大臣爲亂大饑○太白與危鬪不出其年國有叛臣○

辰星守危辰下亂謀臣被刑執法之官憂多水災石氏曰粟大貴天下兵發甘氏曰皇后憂疾兵喪管窺輯要

卷之三十四

十一

並起鄰萌曰宮室工役興其國危石氏曰有大喪去之水滅宮乙巳占曰奸臣有謀○水之危巫咸曰霖雨有國大水五穀不成人饑○水入危犯之賊臣謀主天下大亂甘氏曰大臣被戮宮中有憂○水逆行於危國君失祭祀之禮

客星流星彗孛字干犯占

客星犯危國有災泣事一曰有雨水五穀不成人相食於道有土工○客星出危甘氏曰大臣誅刑官憂多水災土工興出危中多雨水五穀不成人

相食○赤星出危中以大發國○客星入危有土  
工天子孝宮室不出一年大饑荆州占曰不出一  
年大水郗萌曰有赦○客星守危改立諸王侯五  
穀大貴甘氏曰王者遷都其地更立侯王郗萌曰  
天下易政人主失勢亡土強臣專命在后族又曰  
大風有所危賤又曰天子治宮人流國危不出三  
年荆州占曰有哭泣天子改服不出百八十日  
流星入危乙巳占曰天下不寧下人謀上其國憂  
期八十日遠年武氏曰君子憂小人流天下奔亡

管窺輯要

卷之三十四

十三

期百八十日小人居君子之位○流星入危左右  
皆爲有兵○流星入危色青黑水災白有四足蟲  
出爲害黃有土工赤爲兵乙巳占曰流星入危其  
國敝之危右兵爲敝之左水爲敝之○流星抵危  
色青亦爲兵黃土工白喪黑有分國○流星犯危  
祭祀事動春夏犯爲水火災滿洫秋冬犯之主口  
舌○流星交對抵危中國與北夷狄交兵天下騷  
動○流星出危有伐屋事色赤火發色黑水發色  
青以憂發色白以兵發色黃以好發○流星出入

危色黑大臣災天子陵廟有水患

葦亭出危土工興天下亂司空以土工事行誅叛  
臣兵起大水人饑流亡

葦亭出危間其國有反臣兵大起將軍出國易政  
期三年近一年○葦亭犯危其國有叛臣兵火起  
有哭泣

雲氣干犯占

蒼白雲氣入危天子大造宮室○青雲氣入危國  
憂有損屋○赤雲氣入危有土工蓋屋事大作一  
管窺輯要

卷之三十四

占

曰官中有兵憂○赤氣入危以大伐屋一曰有大  
災○黑氣入危北鄉大水入流東鄉其國君死百  
草不實西鄉人主憂死喪南鄉有疾疫期不出其  
年遠明年○黑氣入危自北來大水西來君死東  
來稍粟不實南來有兵皆不出一年○白氣出入  
危其國有兵○黃雲氣出入危皆爲土工興一曰  
黃雲氣出入危國有喜○白氣入危若黑氣皆有  
喪死哭泣事

按危宿本居位亥之次衛并州之分凡十六度三月旦在卯三月旦在辰四月旦在巳五月旦在午六月旦在未七月旦在申八月旦在酉七月昏在卯八月昏在辰九月昏在巳十月昏在午十一月昏在未十二月昏在申正月昏在酉

危三星十六度距南去極九十六度入危五度主天府曰天市架屋甘德云危為天市廟堂主架屋以受藏風雨也索隱云危上一星高旁二星墮下似乎架屋也又主營造亦為邑居廟堂祠祀死喪管窺輯要

卷之三十四

主

哭泣之事亦為冢宰之官解見前漱清考虛宿為冢

宰今危又為冢宰是一官占二宿矣無是理焉自愚度之危亦主祠祀死喪此必少冢宰為是

占曰危星明則天下安動搖則天子作宮室土木之工徭役大興不見則山陵崩頽毀壞火犯則官室火災木上守犯歲饑土功不上日食男喪月食女喪彗孛守犯則兵喪並起

入星五黑星距西南去極七十度入虛六度半在危上有如人象亦曰卧星主安靜眾庶柔遠能邇

衆庶百姓也書云在知人在安民安民則惠黎民  
懷之又湯誓云格爾衆庶又舜典云食哉惟時柔  
遠能邇註云柔者寬而撫之也能者擾而習之也  
其遠近之勢如此又文侯之命云柔遠能邇以定  
我王○又主巡夜防淫洗解見前

占曰人星如常則吉失常則權奸擅行主上威福  
讒害忠良國亂善守則奸臣謀叛天下不寧客  
犯則奸細出入朝堂無禁忌

杵三黑星距南去極六十一度半入危三度在人

管窺輯要

卷之三十四

六

星東南主春軍糧易繫詞云蠲木爲杵掘地爲白  
白杵之制萬民以濟激清考杵所以春白所以盛  
上動下正○曰四黑星距西南去極六十九度半  
入危三度在杵之下

占曰杵正下白白仰而合杵直則天下豐稔覆則  
人饑荒軍糧乏絕不直亦主荒

車府七黑星距西去極五十六度入虛四度在天  
津東西近河主官車之府也又爲客館淳風云車  
輿之府也亦曰官車掌車之官也

占曰車府如常吉有變則凶客守則輦轂有好金  
火守則兵車大起

天鈞九黃星距大去極三十四度入危初度在造

父西河中主乘輿服飾

解見前

占曰天鈞直則地將動如常則服飾正失常則服  
飾失制

造父五黑星距西去極三十八度入危十一玄在  
傳舍南河中主御馬之官御古字作馭控馬也曰  
司馭或曰伯樂司馬周禮夏官司馬掌國馬政之

管窺輯要

卷之三十四

七

官也伯樂秦穆公時人卽孫陽也善相馬有騏驎  
負鹽車而上太行虞坡一見伯樂而長鳴知其識  
已也今以伯樂名造父者特後人擬之耳非真以  
造父爲伯樂激清考造父星乃上古星伯樂乃秦  
時人伯樂非造父明矣第造父乃掌馬官未必不  
應伯樂識馬之人蓋造父鍾應伯樂明矣詳考今  
之銜大僕卽其官焉

占曰造父明則天下馬多不見則馬貴動搖則軍

馬大起馬多死黑氣入則馬政失官

墳墓四星距中大星去極九十六度入危五度半  
在危下如墓形主兆域死喪哭泣事東漢獻帝興  
平元年詔曰皇妣宅兆未卜註云宅墓也穴也兆  
塋域也

占曰墳墓如常微暗則吉明大動搖則有死事十  
犯則人君鑿洩山川以陵寢後

虛梁四黃星距東去極一百度○半入危八度在  
蓋屋南主園寢廟詩云奕奕寢廟君子作之西

漢元帝建昭五年復諸寢廟園註曰寢廟園寢謂

管窺輯要

卷之三十四

六

陵上寢殿園謂山林塋域師古云古不墓祭漢諸  
陵皆有園寢殿者承秦所爲也言天子之陵寢非  
人所處故曰虛梁亦主禱祝之事

占曰虛梁居常則吉水土守則宗廟大興水土之  
工金犯則兵起火犯則宗廟火災

天錢十黃星距東北去極一百一十八度入危三  
度在虛梁下主錢帛所謂聚軍之府藏淳風云主  
錢令澈清考錢法始自漢子權母母權子五銖半  
兩輕重厚薄歷代錢制不一傳至當今靡斐極矣

是純銅傳世金銀之貴幾盡沒焉

占曰天錢明則錢法行庫藏充盈不明則錢法不行庫藏空虛金火犯則有更鑄彗字守則有劫奪之舉

蓋屋二黑星距西去極七十七度入虛九度在危南主天子所居宮室亦爲宮室官宮室官乃營造事業之官說文云宮者穹也室者實也言屋見垣上穹穹然也

占曰蓋屋如常則守仍舊貫之吉亦大明則大興

管窺輯要 卷之三十四

十九

土木火犯則宮殿火災土木犯則天子廣侈宮室奢華盛

危宿雜座

鈞星

鈞星九星一曰天鈞在紫微宮東籬之外傳舍之東造父北主輿服法式其星明則法正不明則儀服失度星直則地動○彗字于犯天鈞若客星守之或直皆爲地動

造父

造父五星在傳舍南河中御馬之官也一曰西橋  
一曰司馬一曰伯樂星亡馬大貴明則吉徙移則  
兵起馬貴○熒惑入造父車馬貴水大出材官騎  
士出馬動兵起○客星入造父材官騎士出若守  
之兵起地大動○彗孛出造父僕御穢主有斬死  
者兵盡起若犯入之兵起廐馬出一曰御馬官誅  
○赤星入造父車馬貴

車府

車府七星在天津東近河首抵司非尾指天鈞主  
管窺輯要 卷之三十四 三  
官車之府賓客之館也其星動搖則兵車大動○  
金火犯守車府兵車大動○彗孛犯車府天下兵  
車悉出

杵星白星

杵星三星在人星東主春糧正直下曰則不相當  
則軍糧絕不直則民饑不具則人棄釜餽不明則  
歲凶聚則豐疎則歉動搖則大饑人流亡  
曰星四星在杵星南仰則歲豐傾覆則歉餘占杵

星同○五星犯守杵曰天下有急發粟○客星守

杵曰歲饑民急於財天下會聚粟米一曰民失杵  
白犯之歲歉人饑有兵入之天下有急兵起○彗  
孛出杵曰有急出粟天下大饑

人星

人星五星在車府東如人形主萬民一曰卧星主  
防滯土官也一曰人星主靜安衆庶柔遠能邇星  
立則天下人多死者不具則王者有子不成而死  
星亡不見則有詐者若訛言相驚之事且有婦人  
之亂天下兵起人流徙○五星客星彗孛守犯人  
管窺輯要

卷之三十四

三

星天下兵疫饑荒人大災○客星入人星天下有  
詐詔誣傳相爭事○彗孛出人星尚書反  
墳墓

墳墓四星下綴危如墓形主山陵喪葬之事星不  
欲明明則天下多死人失常則山陵毀敗○五星  
犯守墳墓國有死喪彗孛犯之山陵有變

虛梁

虛梁四星在危南主國山陵寢廟鬼神之神非人  
所處故謂之虛梁○金火守犯虛梁兵起彗孛犯

虛梁宗廟改易○五星犯守虛梁其地多霹靂震擊

### 蓋屋

蓋屋二星在危南天子治宮室之官也其星明大動搖則工役大興○五星守犯蓋屋工役興兵大起

### 大錢

大錢十星在北落師門西主錢帛府庫其星明則府庫盈暗則虛耗○金火守天錢兵起亦為府庫管窺輯要

卷之三十四

三

有盜賊之事○彗孛犯天錢益賊焚府庫

蓋屋

